

L Ö G

18

21. febr.

um breyting á lögum nr. 31 4. febr. 1952, um skipun prestakalla.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Í stað „40.“ (Vestmannaeyjar) í tölusetningu prestakalla í 1. gr. laganna kemur: 40.—41. (Síðari töluliðir í lagagreininni breytast samkv. því.)

2. gr.

Á eftir 5. gr. laganna komi ný grein, svo hljóðandi (og breytist greinatala samkvæmt því):

Biskupi er heimilt að ráða prestvígðan mann til þess að gegna prestsþjónustu um stundarsakir í þeim prestaköllum, þar sem prestur er veikur eða kallið er prestlaust af öðrum ástæðum.

Ráðningartími skal vera allt að 3 árum í senn.

Prestur þessi skal hafa sömu laun og sóknarprestur, en ferðakostnaður hans milli prestakalla skal greiddur úr ríkissjóði svo og húsaleiga þar, sem hann er settur til þjónustu, enda fái hann ekki afnot af embættisbústað prestakallsins, hvort tveggja samkvæmt reikningi, er ráðherra úrskurðar.

3. gr.

Lög þessi öðlast þegar gildi.

Gjört í Reykjavík, 21. febrúar 1956.

Ásgeir Ásgeirsson.

(L. S.)

Steingrímur Steinþórsson.

FORSETABRÉF

19

28. febr.

um breyting á forsetabréfi nr. 114 31. des. 1945, um starfsháttu orðunefndar.

FORSETI ÍSLANDS

gjörir kunnugt: Að ég samkvæmt tillögu forsætisráðherra fellst á að gera eftirfarandi breytingu á forsetabréfi nr. 114 31. des. 1945, um starfsháttu orðunefndar:

4. gr. nefnds forsetabréfs orðist svo:

Stórmeistari getur veitt allt að tuttugu og fimm Íslendingum fálkaorðuna ár hvert samkvæmt tillögu orðunefndar. Enn fremur getur stórmeistari að tillögu orðunefndar sæmt allt að fimmtán menn, er hlotið hafa heiðursmerkið áður, æðra stigi þess.

19 Skulu orðuveitingar aðallega fara fram á nýársdag og 17. júní. Þó má eigi
 28. febr. veita fleiri en 10 heiðursmerki hvorn daginn, en hin þegar henta þykir, eitt eða fleiri í senn.

Þótt orðuveitingar til Íslendinga samkvæmt tillögum orðunefndar séu hér með takmarkaðar samkv. 1. mgr. þessarar greinar, er eigi með því skertur réttur stórmeistara til orðuveitinga samkvæmt 2. mgr. 1. gr. hér að framan.

Gjört í Reykjavík, 28. febrúar 1956.

Ásgeir Ásgeirsson.

(L. S.)

Ólafur Thors.

20

1. marz

L Ö G

um breyting á almennum hegningarlögum, nr. 19 12. febr. 1940.

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

259. gr. laganna orðist svo:

Hver, sem heimildarlaust notar bifreið annars manns, flugfar, skip eða önnur vélknúin farartæki, skal sæta varðhaldi, fangelsi allt að 4 árum eða sektum, ef brot er smávægilegt eða sérstakar málsbætur eru.

Ef maður notar ella hlut annars manns heimildarlaust og veldur honum með því tjóni eða verulegum óþægindum, þá varðar það sektum eða varðhaldi eða fangelsi allt að 2 árum.

Hver, sem aftrar öðrum manni að neyta réttar síns til umráða yfir hlut, sem hann hefur í vörzlum sínum, eða til þess að halda honum, skal sæta sektum, varðhaldi eða fangelsi allt að 6 mánuðum.

Mál út af brotum, sem í 2. og 3. mgr. getur, skal því aðeins höfða, að sá krefjist þess, sem misgert var við.

2. gr.

Lög þessi öðlast þegar gildi.

Gjört í Reykjavík, 1. marz 1956.

Ásgeir Ásgeirsson.

(L. S.)

Bjarni Benediktsson.